



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

Visitatio B.M.V. 2. Julii.

[urn:nbn:de:hbz:466:1-62968](#)

quit S. Bernardus super Cantica In Clero passim ab omni etate & ordine, à doctis pariter & indoctis ad Ecclesiasticas curas, tanquam sine curis jam quaque victurus sit, cum ad curas pervenerit. Prima igitur cura sit cuique in sua vocatione salutem suam curare. *Quid prodest homini, si mundum universum, suis curis & laboribus lucretur; anima vero detrimentum patiarur.* Marci 8.

2. Non præpotuere amicorum inimica consilia à sanctioribus propositis S. Eberhardum abstrahere volentium. Quam multa facimus nos in gratiam amicorum, & hæc faciendo damnamus unicam nostram, & *quam tibi dabit vel subditus, vel uxor, vel liberi, vel amicus pro anima tua perdita commutatione?* Matt. 16.

3. Duplici curâ S. Eberhardus specialiter enituit, cura corporis Christi mystici in fovendis pauperibus, & cura corporis dominici in Ss. Eucharistia & his certam fecit vocationem suam. *Veniet filius hominis in gloria patri sui, & tunc reddet unicuique secundum opera ejus.* Matt. 16. NB. non judicabit secundum titulos vel Ecclesiastice vel sacerdotalis dignitatis, sed secundum opera.

VISITATIO B. M. V.

^{2.} Julii.

Vt audivit salutationem Mariae Elisabeth exultavit infans in utero ejus, & repleta est spiritu sancto.
Luc. c. 1.

A 2

Redi-

Redibat in astra Numinis ad MARIAM legatus quem venturum terris nuntiaverat, cœlo venisse nuntiaturus. At VIRGO DEI jam plena, visendi ad cognatam Elisabettam studio in viam se dedit. Hanc monstravit, qui sub utero ivit comes, ingens MATRI, sed dulcis sarcina. Hic viæ laborem temperabat, ut expeditior nunquam iverit MARIA; quām sic onerata. Jam sub asperatum mutuum venerant geminæ cognatae, jam in Amoris vincula brachia coiverant, cùm gaudio gestiens in Elisabetha infans verbum in utero latens ex utero prodidit, jam tum vox clamantis. Tunc novo prodigio Virginitas sterilitati, & sterilitas Virginitati fœcunditatem est gratulata: tunc, quas texere Angelus cœperat MARIÆ laudes, perte. xere Elisabetha, Domini Matrem salutare quæ ancilla venerat, super omnes illam mulieres efferre, ipsum cum primis laudibus in cœlum tam sancti uteri hospitem tollere. Itaque oraculis domus personare, VIRGO lætitia etiam ipsa exultans, quo Deum magnificaret carmen canere, cui omnem palam vates concedent. Certè ut superi delicati sint (quippe dulci semper Musicæ assueti) tunc tamen Terræ cantus probârunt.

50) 5 (50)

nec hodie, puto, facilius aures Marianis
præbent, quām MARIAM MARIÆ verbis
laudantibus, tunc præsertim, si vox Virgo
accedat, quām dicere ausim tam libenter
audiunt Angeli, quām nos Angelorum au-
dimus. Ex Hist. Evang.

M E D I T A T I O.

De Visitatione B. Mariae Virg.

1. **A**biit in Montana Deus humanas mentes agit in
sublime. D. Augustinus Serm. II, de Nativita-
te Virginis. *Cum esset gravida Maria salubri levitate*
plaudebat, lumen enim quod intra se habebat, pondus ha-
bere non poterat. In quo nimirum vivit gratia Dei, is
facilè perrumpit ardua in servitio divino, & nunquam
non feliciter equitat, quem gratia Dei portat, inquit Kem-
pensis,

2. **A**biit cum festinatione. Gratia & Charitas nesciunt
tarda molimina. Vix Deus homo in utero Virginis
novus Viator conceptus est, & properat ad servum
suum Joannem ut ab Originali liberet. Vix Mater
Domini salutata est Maria & festinat ad Elisabetham
ut ancilletur hominum æquè ac Dei ancilla. Qui to-
ties oras ad Dominum, Domine ad adjuvandum me fe-
stina, quare tardas si potes adjuvare conservum tuum?
qui succurrere peritura potest, si non succurrerit, occidit.
Lactan. lib. 6. instit. cap. III.

3. Ut Sancta sit Visitatio & Conservatio tua, læta-
re in Domino cum Joanne exultante; loquere de te

A 3

humi-

humiliter cum Maria magnificante; de proximo laudabiliter cum Elisabetha benedicente; de Deo admirabiliter cum Zacharia Sacerdote prophetante. *Sicut in singulis Maria anima, ut magnificet Dominum; sicut in singulis Spiritus Mariae ut exultet in Deo.* S. Ambr. lib. 2. Comm. in Lucam.

S. CLARA Virgo Indica

3. Julii.

Habemus thesaurum in vasis fictilibus, ut sublimitas sit virtus Dei, & non ex nobis. 2. Cor. 4. v. 5.

Inter rares novi orbis fructus etiam Virginitas est, quam in S. CLARA Indica meritò Europeæ puellæ admirantur & æmulentur. Unica hæc Indorum Regis filia erat cuius indole & forma captus vicinorum regulorum aliquis, non dispari connubio sibi eam desponsari petiit à Rege Virginis Patre: cuius, cum idem votum esset, faciliter assensit; at filia omnes deprecata nuptias ei Virginitatem à se jam Deo promissam obtendens: quin, ut patris declinaret iram & sponsi insidias metuens, fugam, ut latet, arripuit, sed latere CLARA non potuit insecuri mox, Regis Patris Imperio, nobis